

ATORAN SAMBAYANG AKAN ANDAU MINGGU BAHASA DAYAK NGAJU
MINGGU, 14 APRIL 2024

1. PERSIAPAN / INTROITUS

- a. Doa Konsistori
- b. Berita Jemaat

c. **UNGKUP MENDENG** tuntang manyanyi bara...

...**Nyanyin Ungkup 114 : 1 - 3 “ TUHAN HATALLANGKU, IJE INARAKU ”**

d. Presbiter

2. VOTUM TUNTANG AUH TABE (P)

“Pandohop itah huang aran Tuhan, ije jari manjapa langit tuntang petak, ije jari mahaga janjiie sampai katatahie, ije dia maku manalua kare tampan lenge”

“Keleh asi akan keton tuntang kasanang bara Hatalla, Bapa itah tuntang bara Tuhan Yesus Kristus” Amen.

(**UNGKUP TAU MUNDUK**)

3. UNGKUP MANYANYI bara Nyanyin Ungkup 166 : 1 - 3 “ HATALLA SINTA KALUNEN JETUH ”

4. MANGAKU DOSA (L) Keleh itah mamparandah arep itah into taharep Hatalla, Tuhan itah, hayak mangaku dosan itah : “Ikei mangaku into taharep aim ije barasih o Hatalla ije jatun tikas kuasae, ikei toh badosa dengan Tuhan, awi tirok atei, kotak tuntang gawin ikei. Dosan ikei te tangkahalau kahaie, pasi ikei o Hatalla, ampun ah ikei je badosa toh, tuntang ngagalan ikei akan pabelom ije katatahie. Huang aran Yesus Kristus, Tuhan ikei”. Amen.

(**UNGKUP MENDENG**)

5. BARITA ASI SINTAN HATALLA (P)

Kilau rewar Yesus Kristus, ikei mambarita dengan gagenep oloh ije jari mangaku dosae into taharep Hatalla dengan kabujur atei. Hatalla hamauh : “Aku mampalilap kare kalangkah kilau ambon, kare kasalam kilau baun andau; buli aku, karena Aku maliwus ikau” (Jesaja 44 : 22)

(**UNGKUP TAU MUNDUK**)

6. MAMBASA AUH HATALLA, Keleh itah mahining auh Hatalla ije tarasurat huang Surat Barasih, iete bara Janji ije sulake iete bara **Surat MASMUR** bagi 4 baris 1 sampai 9 je kalotoh auhe :

Njanji hamalem metuh kajake

4 Masmur Dawid, akan kapalan uluh panyanyi, hayak mampahiau usik.

² Amun aku mantehau, tumbah auhku, o Hatallangku, ije eka katetekku ije jari mampalandang aku metuh kajake: Pasi aku, tarima lakudoangku! ³ Ketun, uluh hatue, kilen katahin horumatku akan inawah? Kilen katahin ketun rajin dengan taluh hayang, tuntang manggau tanjaru? *-sela.*

⁴ Buah ketun mangasene, Tuhan puna jari mambaris akae uluh ije heret dengae; Tuhan handak mahining, amun aku mantehau balaku intu ie. ⁵ Ela badosa, amun ketun balait, keleh mangumang huang atei ketun hunjun sasurun ketun, palus manyuni arep ketun. *-sela.*

⁶ Imbit parapah katetek tuntang harap Tuhan! ⁷ Are uluh hamauh: Eweh handak manyuhu itah mite kahalap? Keleh manggatang kalawan baun ayum hunjun ikei, o Tuhan! ⁸ Ikau mampahanjak ateiku paham bara metuh gandum tuntang anggur ewen te kutuh karee. ⁹ Landang bewei aku menter balalu batiruh, karena batunggal ikau, o Tuhan, manduhup manyanang aku.

..... Sampai hete auh Hatalla ije imbasa akan itah katika toh : “Salamat oloh te, ije mahining auh Hatalla tuntang mahagae jete huang pabelome”. (Lukas 11 : 28)

7. **MANYANYI** bara **Nyanyi Tara “ AKAM T'RIMAKASIH ”**

8. **MAMBARITA AUH HATALLA (P)**

- a. Mambasa nast tumon je inukas huang Almanak GKE: **Surat Rasul Johannes Idje Sulake (1 YOHANES)** bagi **3** baris **1** sampai **10** :

*Basa itah anak Hatalla, patut itah mamparasih arep itah, belum tetek,
malawan kare dosa, sinta pahari; tumun te itah kareh sanang*

3 Ite ketun kapaham Bapa jari sinta itah, sampai itah akan inggare anak Hatalla! Maka itah atun te. Tagal te kalunen jatun kasene itah, basa kalunen jatun kasene ie. ² O ketun ije ingilakku! Tuh itah anak Hatalla; maka hindai jari bakarinah ampin itah ije harian dapit; tapi itah katawan, amun Jesus jari bakarinah, te itah kea kareh nyapi-nyapih ie, karena itah kareh mite ie bitie haliai. ³ Maka genep uluh ije kalute kaharap intu ie, mamparasih arep, kilau ie kea puna barasih. ⁴ Genep uluh ije mawi dosa, ie marisang dengan Torat, karena dosa te, ie te karisang. ⁵ Maka ketun katawan, ie jari ingarinah, uka ie manganan kare dosan itah, tapi huang ie jatun dosa. ⁶ Genep uluh, ije melai huang ie, jatun mawi dosa; genep uluh, ije mawi dosa, jatun jari mite ie, jatun kea kasene ie.

⁷ O anak! Ela uluh mampalayang ketun, uluh ije malalus katetek, ie te tetek, kilau ie kea puna tetek. ⁸ Uluh ije mawi dosa, puna baris setan, karena setan puna mawi dosa bara sula-sulak. Maka tagal te Anak Hatalla jari ingarinah, nakara ie marusak kare gawin setan.

⁹ Genep uluh ije jari inakan Hatalla, jatun mawi dosa, basa binyin Hatalla melai huang ie; tuntang ie jatun tau mawi dosa, basa ie jari inakan Hatalla. ¹⁰ Awi jetuh anak Hatalla tuntang anak setan bakarinah. Genep uluh ije jatun malalus katetek, ie jatun bara Hatalla; tinai dia kea uluh te, ije jatun sinta paharie.

b. Lakudoa pandak

c. Mambarita Auh Hatalla

d. *PUJI-PUJIAN* :

e. **BALAKUDOA SAFAAT,**

inutup dengan Lakudoan Tuhan : APANG IKEI IJE HUANG SORGA ! ARAM BUAH IMPRASIH. KELEH KARAJAAM DUMAH. KAHANDAKM AKAN MANJADI KILAU HUANG SORGA, KAKAI KEA HUNJUN PETAK. TENGA TALOH KINAN IKEI, OMBET AKAN ANDAU TOH. TUNTANG AMPUN KARE KASALAN IKEI, KILAU IKEI KEA JARI MAMPUN OLOH, IJE SALA DENGAN IKEI. ELA MANAMEAN IKEI HUANG TINGKES, TAPI LIWUS IKEI BARA IJE PAPA. KARANA AYUM ATON KARAJAAN TUNTANG KUASA TUNTANG KAHAI PALUS KATATAHIE, AMEN.

9. **MANGAKU KAPARCAYA (L)**

Buah itah **MENDENG** huang kahinjen kaparcaya dengan oloh Kristen hong kare katika tuntang kare eka, itah hayak-hayak mangaku kaparcayaan itah oloh Kristen hapan atei tuntang nyama kalotoh :

“Aku percaya huang Hatalla, Bapa ije jatun tikas kuasae, ije jari manjapa langit tuntang petak. Aku percaya huang Yesus Kristus, Anak Hatalla ije tunggal, tempon itah.

Ije jari inakan Maria bujang salia awi Kuasan Roh Barasih, jari ingapehe jaman Pontius Pilatus, ilantak into kayu sampalaki, matei, ingubur, mohon akan eka kare liau.

Andau telo jari misik tinai bara marak oloh matei, mandai akan sorga, mondok hila gantaun Hatalla, Bapa ije jatun tikas kuasae. Bara hete le kareh haluli uka mariksa tuntang mamaleh oloh belom, oloh matei, tumon gawie. ...

...Aku percaya huang Roh Barasih. Aku percaya aton ije jalahan ain Kristus ije barasih, iete kare ungkup oloh barasih ije ihanjean Roh;

Aku percaya ampun dosa, kamisik bereng oloh matei, tuntang pabelom ije katatahie”.

$\overline{5} \overline{5} | \overline{6} \overline{5}' \overline{1} \overline{1} | \overline{2} \overline{1}' \overline{4} \overline{4} | \overline{3} \overline{2} \overline{1} \overline{2} | 1 . ||$ (**UNGKUP TAU MUNDUK**)
Hale-lu-ya, Hale-luya, Hale - lu - - ya !

10. **MALUPUT PARAPAH (L)** Toh aton katika akan itah manyarah parapah.

Huang sembayang Minggu ka-due (2) tuh, tege tambahan kotak maju ka baun, akan mandohop keuangan Majelis Resort GKE Kuala Kapuas.

- Keleh toh itah mahining auh Hatalla bara II Korintus 9 bagi 6 sampai 7, ije hamauh :
 “Ije manawur isut, isut kea kareh inggetem, ije manawur kutoh, kutoh kea kareh inggetem. Tapi keleh genep biti manenga tumon puna katukas atei, ela dengan kanyasale, ela basa ie hajujuan, karena oloh ije rajin manenga, ingilak Hatalla.”
- BALAKUDOA** : O Tuhan Hatallan ikei, rajan salepah kalunen. Tarima toh parapah oloh ayum, ije jari inyarah ikei tumon parentahm akan indu horumat aram. Dohop ah, mangat parapah toh tau ihapan akan manyang Tuhan, akan kahain aram, awi Yesus Kristus, Tuhan ikei. Amen.
- UNGKUP MANYANYI** bara **Nyanyin Ungkup 130 : 1 - dst “ TARA HATALLA, TAGAL KARE ASIE ”**

(**UNGKUP MENDENG**)

11. **BERKAT TUHAN (P)** Keleh toh buli dengan kasanang tuntang tarima Berkata Tuhan :

“Keleh Tuhan mamberkat keton, tuntang mangalindong keton.

Keleh Tuhan manyangkowong baue tambuan kenton tuntang masi keton.

Keleh Tuhan manyangkowong baue hunjun keton, hayak manenga kasanang akan keton”

(Numeri 6 : 24 - 25)

$1 . 2 \ 3 | 4 . 3 . ' | 2 . 1 . ' | 4 . 2 . | 1 . . . ||$
A - - - - - men a - men a - - - men.

SALAMAT ANDAU MINGGU.. HATALLA MAMPAHAYAK ITAH SAMANDIAI

NU 114. TUHAN, HATALLANGKU IJE INARAKU.

A = 1 3/4 Lago: L.N. No.146.

$1 \ 1 \ 2 | 7 \ . \overline{1} \ 2 | 3 \ 3 \ 4 | 3 \ . \overline{2} \ 1 |$
 Tu han Ha tal lang ku i je i na ra ku

$2 \ 1 \ 7 | 1 \ . \ 0 || 5 \ 5 \ 5 | 5 \ . \overline{4} \ 3 |$
 Ra jan ka hai! O loh sa man di ai,

$4 \ 4 \ 4 | 4 \ . \overline{3} \ 2 | 3 \ \overline{4} \ 3 \ \overline{2} \ 1 | 3 \ . \overline{4}$
 has ta ra mam pa hai Tu han Ha tal lang

$5 | \overline{6} \ 4 \ 3 \ 2 | \overline{1} \ . \ . ||$
 ku, tem pon ka hai!

2. Krana paham kahai sintae dan asi aie, kutoh kataue.

Ie nampayah wei taloh injapae te

tuntang mamberkat toh taloh samai.

3. Aku manyembah toh, Tuhan, Hatallangku, je pangkahai.

Handak manumon wei prentah je brasih te

tenga toh akangku kuasan Roh aim.

NU 166. HATALLA SINTA KALUNEN JETOH.

Lago: L.N.No. 37.

F = 1 3/4

1 1 3 | 5 3 5 | 1 6 | 5 3 5 | 6 5 |
 Ha tal la sin ta ka lu nen je toh, Ha tal la
 4 2 2 | 5 5 | 3 . ||
 sin ta tau de ngang ku.

3 3 5 | 4 4 | 2 4 4 6 | 5 3 3 | 3 5 |
 Toh to to ta wang ku Ha tal la sin ta Ha tal la
 4 2 2 | 5 5 | 3 . ||
 sin ta tau de ngang ku.

2. Katika helo te dosan itah
 dan setan mawi, ngapehe wei.

3. Te Yesus dumah, Panewus itah,
 maliwus itah, je rusak wei.

"AKAM TRIMA KASIH" do=d 3/4

terj. "SetiaMu, Tuhanku, tiada bertara"

3 3 3 | 3 . 2 2 | 4 4 4 | 4 3 .'
 Akam tri-ma-kasih, Tuhan pangkahai
 6 7 6 | 5 . 4 3 | 2 3 4 | 5 . .'
 A-re tri-ma-ka-sih a-kan Sin-tam.
 5 6 7 | 1 . 7 6 | 5 4 3 | 3 2 .'
 Pambelum-ku sanang wei hung lengen Aim,
 6 7 1 | 1 . 5 5 | 3 3 2 | 1 . . ||
 Akan in-du hormat ka-ta-ta - hi .

Refrein :

5 5 2 | 4 . 3 3 . | 6 6 3 | 5 . 4 4 .'
 Akam tri-ma-kasih, akam tri-ma-ka-sih
 5 6 7 | 1 5 6 7 | 1 6 | 5 . . |
 Tuhan pa-mawat Ha - tal - lang-ku
 5 6 7 | 1 . 7 6 | 5 4 3 | 3 2 .'
 Rantep dengam sanang hanjak a-tei-ku
 6 7 1 | 1 . 5 5 | 3 4 3 2 1 . . ||
 Trimaka-sih Tu-han, ha - le - lu - ya .

2. Aku te inewus bara dosangku
 bara taloh papa hong kalunen.
 Trima nyanyian tara tuntang hormat
 je inyarahku akam harajur.

3. Yoh Tuhan Yesus wei batang klawangku
 eka kaharap dan kalindungku.
 Je manyingah atei kaput haliai.
 klawa ayu te manang hante wei.

C = 1 130. TARA HATALLA TAGAL KARE ASIE.

2/2 Lago: Lobet den Herren alle. P.B.I. 256.

5 . 1 7 | 6 . 5 . | 3 4 5 5 | 4 . 3 . |
 Ta ra Ha tal la ta gal ka re a sie,
 5 . 6 7 | 1 . 6 . | 7 1 2 5 | 6 . 5 . |
 ho ru mat, nya nyi tuntang tri ma ka sih
 3 . 2 1 | 5 . 5 . | 6 1 7 6 | 6 5 6 |
 kan a ran Tu han, i je bra sih bra sih!
 5 . 4 3 | 2 . 1 . ||
 Ta ra Ha tal la!

2. Tara Hatalla ije Tempon itah,
 Tempon hamburuan tuntang bereng itah,
 ije mambelom, mampakanan itah.
 Tara Hatalla!

3. Tara Hatalla! Imbit toh parapah
 tarimakasih, tara akan Bapa,
 je jari mampanihau kare sapa.
 Tara Hatalla!

4. Tara Hatalla ije tau basarae,
 sintae, kataue harajur bakarinah;
 je masi aloh itah kinjap sala.
 Tara Hatalla!

5. Tara Hatalla tagal kare berkat!
 Hong hetoh kea imbit tara hormat,
 ambo toh nyanyi hayak Koor malekat.
 Tara Hatalla!